



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-3184-11/22
Datum: 04.11.2022.godine

Na osnovu člana 70. stav 1. i stav 4. a u vezi sa članom 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 01.11.2022.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
poništenju postupka javne nabavke

I

Poništava se postupak javne nabavke roba "Nabavka, transport i montaža mobilnog klizališta u Tešnju, općina Tešanj" koji je objavljen na Portalu javnih nabavki dana 15.09.2022.godine u otvorenom postupku javne nabavke pod brojem: 375-1-1-188-3-61/22, obavještenje o nabavci objavljeno u Sl.glasniku BiH broj: 64/22 od 23.9.2022.godine pod brojem: SI-22691-22, ispravka Obavještenja o nabavci broj:375-1-1-188-8-65/22 od 28.09.2022.godine, obavještenje o ispravci obavještenja o nabavci objavljeno u Sl.glasniku BiH broj: 66/22 od 30.9.2022.godine pod brojem: SI-23966-22.

II

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

III

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke roba, "Nabavka, transport i montaža mobilnog klizališta u Tešnju, općina Tešanj" pokrenut je Odlukom o pokretanju postupka broj:02-11-3-3184-2/22 od 13.09.2022.godine. Odabran je otvoreni postupak javne nabavke, koji je objavljen na Portalu javnih nabavki dana 15.09.2022.godine pod brojem: 375-1-1-188-3-61/22, obavještenje o nabavci objavljeno u Sl.glasniku BiH broj: 64/22 od 23.9.2022.godine pod brojem: SI-22691-22, ispravka Obavještenja o nabavci broj:375-1-1-188-8-65/22 od 28.09.2022.godine, obavještenje o ispravci obavještenja o nabavci objavljeno u Sl.glasniku BiH broj: 66/22 od 30.9.2022.godine pod brojem: SI-23966-22, procijenjena vrijednost javne nabavke bez PDV-a je 102.564,10KM a kriterij za dodjelu ugovora je najniža cijena.

U ostavljenom roku za dostavu ponuda pristigle su dvije ponude i to: ponuda KOTA doo Sarajevo i ponuda LEDENI PROJEKTI doo Ljubuški.

Komisija za javne nabavke imenovana rješenjem Općinskog Načelnika broj: 02-11-3-3184-6/22 od 13.10.2022.godine izvršila je dana 20.10.2022.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda elektronski prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da ni jedna ponuda nije formalno ispravna, odnosno da su ponude KOTA doo Sarajevo i LEDENI PROJEKTI doo Ljubuški formalno neispravna kako slijedi:

Ponuda KOTA doo Sarajevo – nije formalno ispravna kako slijedi:

- kod pripreme ponude ponuđač nije uz istu dostavio za robu iz tačke 1. Obrasca za cijenu ponude, *certifikat proizvođača (original ili ovjerena kopija dokumenta), preveden od strane ovlaštenog prevodioca na jedan od službenih jezika u BiH*. Naime ponuđač je na strani 14. tenderske dokumentacije dostavio Uvjerenje o sukladnosti za uveznu opremu izdato od Eurostandard doo Zagreb broj:22-DD-0935 od 01.09.2022.godine (dokument nije u originalu niti u ovjerenj o kopij kako je to traženo tenderskom dokumentacijom), u konkretnom slučaju neradi se o certifikatu proizvođača predmetne robe nego se radi o Uvjerenju o sukladnosti za uveznu robu;
- kod pripreme ponude ponuđač nije uz istu dostavio za rashladni uređaj opisan u tački 2. Obrasca za cijenu ponude *certifikat da isti koristiti ekološki plin-freon (original ili ovjerena kopija dokumenta), preveden od strane ovlaštenog prevodioca na jedan od službenih jezika u BiH*;
- kod pripreme ponude ponuđač nije uz istu dostavio za klizaljke opisane u tački 3. Obrasca za cijenu ponude *certifikat o kvalitetu materijala od kojeg su izrađene klizaljke te da isti nije štetan po zdravlje korisnika (original ili ovjerena kopija dokumenta), preveden od strane ovlaštenog prevodioca na jedan od službenih jezika u BiH*, naime na stranici 16. i 17. tenderske dokumentacije dostavljen je dokument *Potvrda o sukladnosti broj:160995 od 21.11.2016.godine* kao i *Potvrda o sukladnosti od 21.11.2016.godine*, iste nisu dostavljene u originalu ni ovjerenj o kopij te se u konkretnom slučaju neradi o certifikatu proizvođača predmetne robe nego se radi o Uvjerenju o sukladnosti predmetne robe.

Ponuda LEDENI PROJEKTI doo Ljubuški – nije formalno ispravna kako slijedi:

- kod pripreme ponude ponuđač nije uz istu dostavio za robu iz tačke 1. Obrasca za cijenu ponude, *certifikat proizvođača (original ili ovjerena kopija dokumenta), preveden od strane ovlaštenog prevodioca na jedan od službenih jezika u BiH*. Naime ponuđač je uz ponudu na strani 25. tenderske dokumentacije dostavio dokument Izjava za robe iz tačke 1. Obrasca za cijenu ponude, ovjerena i potpisana od strane ponuđača od 11.10.2022.godine u kojoj navodi da "Tvrтка Ledeni projekt doo je proizvođač podloge mobilnog klizališta koja je izrađena od EPDM materijala. Ovim izjavljuju da ponuđeni EPDM materijal ima otpornost na pritisak minimalno 4.5 bara, otporan je na etilen i propilen glikol te ima otpornost na radne temperature od -40°C do +120°C", dakle ponuđač uz ponudu nije dostavio dokument *certifikat proizvođača (original ili ovjerena kopija dokumenta)* koji je izdala neovisna certifikacijska kuće koja je ovlaštena za ispitivanje predmetne opreme te izdavanje certifikata. Ugovorni organ je od ponuđača naknadno zatražio da dostavi eventualno certifikat kojim bi potvrdio navode iz Izjava za robe iz tačke 1. Obrasca za cijenu ponude, ovjerena i potpisana od strane ponuđača od 11.10.2022.godine te je ponuđač dostavio ovjerenu kopiju dokumenta *Certifikat od 26.10.2022.godine* potpisana i ovjerena od strane ponuđača kojom izjavljuje da predmetna roba zadovoljava parametre navedene u tenderskoj dokumentaciji. Ugovorni organ je utvrdio da predmetni certifikat nije izdat od neovisne certifikacijske kuće ovlaštene za izdavanje te vrste dokumenta, te samim tim da isti nije prihvatljiv;
- kod pripreme ponude ponuđač je za rashladni uređaj opisan u tački 2. Obrasca za cijenu ponude dostavio na strani 27. tenderske dokumentacije dokument "EU DECLARATION OF CONFORMITY", ovjerenu kopiju na engleskom jeziku te na strani 29. tenderske dokumentacije je dostavljen dokument "EU IZJAVA O SUKLADNOSTI" (prevod istog dokumenta od strane stalnog sudskog tumača od 11.10.2022.godine), a nije dostavljen *certifikat od neovisne certifikacijske kuće* da uređaj koristiti ekološki plin-freon (original ili ovjerena kopija dokumenta), preveden od strane ovlaštenog prevodioca na jedan od službenih jezika u BiH.

Zapisnikom o pregledu i ocjeni ponuda broj:02-11-3-3184-10/22 od 01.11.2022.godine Komisija je u skladu sa članom 69. stav 2. tačka d) Zakona o javnim nabavkama ("Službeni glasnik BiH", broj: 39/14) preporučila ugovornom organu da poništi postupak javne nabavke roba "Nabavka, transport i montaža mobilnog klizališta u Tešnju, općina Tešanj", jer ni jedna od primljenih ponuda nije prihvatljiva.

Uzimajući u obzir sve navedeno odnosno imajući u vidu činjenicu da ni jedna ponuda nije prihvatljiva to je primjenom člana 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno kao u dispozitivu ove Odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x2
2. Služba za društvene djelatnosti i investicije,
3. Web stranica Općine Tešanj, elektronski
3. Predmet.

Suad Huskić



OPĆINSKI NAČELNIK

Suad Huskić
mr.sci. Suad Huskić

